

新修長蘆鹽法志

第六冊

卷七

律令

卷八

場竈

長蘆鹽法志卷七

律令

王者制事立灋。壹稟於律。而下令如流水之源。是不專鞭撲是資也。矧鹽政乎。然鹽政於禁暴止貪。則又不可一日無者。科條不設。則私煎私販滋多。官怠役疲。養癰貽患。必致歲多積引。場有餘鹽。商竈均受其困。惟我

聖朝準灋宜民。寬嚴互用。出惟行。弗惟反。務使凜然。知所大畏。不敢以身試之。斯德意行乎其間矣。志律令

律例



凡犯無引私鹽凡有確貨即是者杖一百徒三年若帶有軍器

者加一等流二千誣指平人者加三等流三拒捕者斬監

鹽貨車船頭匹並入官道引領秤牙人及窩藏鹽寄頓鹽

者杖九十徒二年半受挑擔馱載者與例所謂肩挑杖八

十徒二年非應捕人告獲者就將所獲私鹽給付告人充

賞同取中有一人能自首者免罪一體給賞若有一人自犯而

仍追原若私事發止理見獲人鹽如獲鹽不獲人者不追當

該官司不許聽展轉攀指違者官以故入人罪論謂如人

止理見發有確貨無犯人者其鹽沒官不須追究

凡鹽場竈丁人等除歲正額鹽外夾帶餘鹽出場及私煎鹽

貨賣者同私鹽法該管總催知情故縱及通同貨賣者與犯

人同罪

凡婦人有犯私鹽若夫在家或子知情罪坐夫男其雖有夫

而遠出或有子幼弱罪坐本婦決杖一百餘罪收贖

凡買食私鹽者杖一百因而貨賣者杖一百徒三年

凡管理鹽務及有巡緝私鹽之責文武各衙門巡獲私鹽即

發有司歸勘原各衙門不許擅問若有司官吏通同原獲

門脫放者與犯人同罪受財者計贓以枉法從之其罪重論

凡管理鹽務及有巡緝私鹽之責文武各衙門設法差人於該管地面並附場緊關去處常州巡禁私鹽若有透漏者關津把截官及所委巡鹽人員初犯答四十再犯答五十三犯杖六十罪公並留職役若知情故縱及容令軍兵隨同販賣者與犯人同罪罪私受財者計贓以枉法從重論其巡獲私鹽入已不解官者杖一百徒三年若裝誣平人者加三等杖一百流三千里

凡起運官鹽每引照額定餉數為一袋並帶額定耗鹽經過批驗所依引數掣摺秤盤隨手取袋摺其輕重但有夾帶餘鹽者同

私鹽法 若客鹽越過批驗所不經掣摺及引上關防者

杖九十押回逐盤驗盡盤鹽而驗之有餘鹽以夾帶論罪

凡客商販賣有官鹽當照引發鹽不許鹽與引相離違者同私鹽

法 其賣鹽了畢十日之內不繳退引者答四十 若將

舊引繳不影射鹽貨者同私鹽法

凡起運官鹽并竈戶運鹽上倉將帶軍器及不用官船起運

者同私鹽法

凡客商將驗過官鹽插和沙土貨賣者杖八十

凡將有引官鹽不於拘定該巡鹽地面發賣轉於別境犯界

貨賣者杖一百。知而買食者杖六十。不知者不坐。其鹽入官。

一越境如淮鹽越過浙鹽地方之類興販官司引鹽至三千觔以上者問

發附近地方充軍。其客商收買餘鹽買求掣摯至三千觔

以上者亦照前例發遣。經過官司縱放及地方甲鄰里老

知而不舉各治以罪。巡捕官員乘機與販至三千觔以上

亦照前例問發。須至三千觔不及三千觔在本行鹽地方雖越府省仍依本律

一凡偽造鹽引印信。賄囑運司吏書人等將已故並遠年商人名籍中鹽來歷填寫在引。轉賣誑騙財物為首者依律

處斬外。其為從並經紀牙行店戶運司吏書一應知情人等。但計贓滿數應流者。不拘曾否支鹽出場。俱發近邊充軍。

一各鹽運司總催名下該管鹽課納完者。方許照名填給通

關。若不曾納課總催買囑官吏並覆盤委官假指課已倉指上

因扶同作弊者。俱問發近邊充軍。

一各處鹽場無籍之徒。號稱長布衫。趕船虎。光棍。好漢等項

名色。把持官府。詐害客商。犯該徒罪以上。及再犯杖罪以

下者。俱發近邊充軍。

一。凡豪強鹽徒聚衆至十人以上。撐駕大船。張挂旗號。擅用兵仗響器。拒敵官兵。若殺人及傷三人以上者。比照強盜已行得財律。皆斬。為首者。仍梟首示衆。傷二人者。為首斬決。為從。絞監候。傷一人者。為首斬監候。為從。發黑龍江等處。給與披甲人為奴。其雖拒敵。不曾殺傷人。為首。絞監候。為從。流三千里。若貧難軍民。將私鹽肩挑背負。易米度日者。不必禁捕。

一。凡兵民聚衆十人以上。帶有軍器。與販私鹽。拒捕殺人。及傷三人以上。為首並殺人之犯。斬決。傷人之犯。斬監候。未

曾下手殺傷人者。發近邊充軍。傷二人者。為首斬。下手者。絞。俱監候。傷一人者。為首。絞監候。下手者。發黑龍江等處。給與披甲人為奴。為從。滿流。其雖帶有軍器。不曾拒捕者。為首。發近邊充軍。為從。流二千里。若十人以下。拒捕殺人。不論有無軍器。為首者。斬。下手者。絞。俱監候。不曾下手者。發近邊充軍。傷至二人以上者。為首者。斬。監候。下手之人。絞。監候。止傷一人者。為首。絞監候。下手之犯。杖一百。流三千里。其不曾下手者。仍照私鹽本律治罪。其不帶軍器。不曾拒捕。不分十人上下。仍照私鹽律。杖一百。徒三年。若十

人以下。雖有軍器。不曾拒捕者。為首。亦照私鹽帶有軍器。加一等律。杖一百。流二千里。為從。杖一百。徒三年。其失察文武各官。交部議處。有挈獲大夥私販者。交部議敘。

一。凡竈丁販賣私鹽。大使失察者。革職。知情者。枷號一箇月。發落。不準折贖。該管上司官。俱交該部議處。

一。凡回空糧船。如有夾帶私鹽。闖關闖關。不服盤查。聚至十人以上。持械拒捕。殺人。及傷三人以上者。為首。並殺人之人。擬斬立決。傷人之犯。斬監候。未曾下手殺傷人者。發近邊充軍。其雖拒捕。不曾殺傷人。為首。絞監候。為從。流三千

里。十人以下。拒捕殺傷人者。俱照兵民聚眾十人以下例。分別治罪。頭船旂丁頭舵人等。雖無夾帶私鹽。但闖關闖關者。枷號兩箇月。發近邊充軍。隨同之旂丁頭舵。照為從例。枷號一箇月。杖一百。徒三年。不知情。不坐。賣私之人。及竈丁。將鹽私賣與糧船者。各杖一百。流二千里。窩藏寄頓者。杖一百。徒三年。其雖不闖關闖關。但夾帶私鹽。亦照販私。加一等。流二千里。兵役受賄。縱放者。計贓以枉法從重論。未受賄者。杖一百。革退。販私地方之專管官。兼轄官。及押運官。並交部議處。隨幫革退。其雖無夾帶私鹽。倚恃糧

船闖開關者押運等官革職隨幫責三十板革退不服盤查持械傷人者押運等官革職隨幫責四十板革退倘關閘各官勒索留難運官呈明督撫參處

一。掣獲販私鹽犯承審官務須先將買自何人何地以及買鹽月日數目究明提集犯証并密提竈戶煎鹽火伏簿扇查審確實將賣鹽及窩頓之人均與本犯按照律例一體治罪若查審無據即屬虛誣將本犯依律加三等治罪如承審官不能審出誣扳者交部分別議處若審出買自場竈即將該管鹽場大使並沿途失察各官題參議處其不

行首報之竈丁均照販私例治罪

一。凡大夥興販聚眾拒捕及執持器械殺傷巡役人等脫逃之梟徒照強盜例勒緝地方文武各官疎縱及上司容隱不參交部議處

一。掣獲私鹽限四箇月完結其案內私鹽與本處鹽商照官鹽價值立即變價所獲騾馬牛驢如延挨不變以致倒斃著落該州縣官照中等價值賠補車船等物亦照依時價據實變價報部查核倘有侵漁捏報情弊並逾限不行完結及不即變價報解者將該州縣分別議處治罪



一鹽船在大江失風失水者查明準其裝鹽復運倘有假捏情弊以販私律治罪

一除行鹽地方大夥私販嚴加緝究外其貧難小民年六十歲以上十五歲以下及年雖少壯身有殘疾並婦女年老孤獨無依者於本州縣報明驗實註冊每日赴場買鹽四十觔挑賣只許陸路不許船裝並越境至別處地方及一日數次出入如有違犯仍分別治罪

一巡鹽兵捕自行夾帶私販及通同他人運販者照私鹽加一等治罪

一凡收買肩販官鹽越境貨賣審明實非私梟者除無拒捕情形仍照律例問擬外其拒捕者照罪人拒捕律加罪二等如與販本罪應問充軍者仍從重論倘拒捕毆人至折傷以上者絞殺人者斬俱監候為從各減一等

一鹽商雇募巡役如遇私梟大販即飛報營汛協同擒拏其雇募巡役不許私帶烏鎗違者照私藏軍器律治罪失察之地方官交部照例議處

一凡運鹽船戶偷竊商鹽整包售賣者照船戶行竊商民例分別首從計贓科罪各加枷號兩箇月仍盡本法刺字所

賣之贓照追給主如追不足數將船變抵其押運商廝起意通同盜賣者依奴僕勾引外人同盜家長財物計贓遞加竊盜一等例治罪如非起意止通同盜賣分贓者依奴僕盜家長財物照竊盜例計贓科斷若商廝稽察不到被船戶乘機盜賣者照不應重律杖八十如押運之人或繫該商親族仍分別有服無服照親屬相盜律例科斷

一埠頭明知船戶不良朦混攬裝及任意扣剋水脚致船戶途間乏用盜賣商鹽者照寫船保載等行恃強代攬勒索使用擾害客商例治罪外加枷號一箇月船戶變賠不足

之贓並令代補如無前項情弊止於保雇不實者照不應重律杖八十

一販賣私鹽數至三百觔以上及盤獲糧船夾帶訊繫大夥興販均即究明買自何處按律治罪如不將賣鹽人姓名據實供出者即將該犯於應得本罪上加一等定擬若向老幼孤獨零星收買數在三百觔以下實不能供出賣鹽人姓名者仍以本罪科斷如承審各員有心庇縱含混完結該管上司不行詳揭一并題參議處

一挈獲船載車裝馬馱私鹽該地方官如不按律治罪曲為

開脫者該管上司察出即照故出人罪律從重參處  
 一引鹽淹消具報到官該地方州縣官即會同營員查勘確  
 實限一月內通詳鹽道該道於詳到之日起限半月內核  
 轉以憑飭商補運限三月內過所運口岸該鹽政仍將淹  
 消補運鹽餉數目報部其沿途督撫及該管鹽道知府隨  
 時查察如有州縣營員扶同商人捏報及勒索捺擱情弊  
 即行指名題參商人照例治罪

監臨勢要中鹽

凡監臨鹽法官吏詭立名及內權勢之人中納錢糧於各倉庫請買

鹽引勘合支領官鹽貨賣侵奪民利者杖一百徒三年鹽貨入官

鹽引勘合追繳

阻壞鹽法

凡客商赴官中買鹽引勘合不親赴場支鹽中途增價轉賣以致

轉賣日多中賣日少且詭冒易滋因而阻壞鹽法者買主賣主各杖八十牙

保減一等買主轉賣之鹽貨賣主轉賣之價錢並入官各行鹽地方鋪

戶轉買本主之鹽而折賣者不用此律

人戶虧兌課程

凡民間週歲額辦茶鹽商稅諸色課程年終不納齊足者計

不足之數以十分為率一分答四十每一分加一等罪止杖八十追課納官 若茶鹽運司鹽場茶局及稅務河泊

所等官不行用心催辦課程年終比附上年課額虧欠兌

闕者亦以十分論一分答五十每一分加一等罪止杖一

百所虧課程著落追補還官 若人戶已納而有隱瞞不

簿因侵欺用者并計贓以監守自盜論

一鹽課錢糧不完者將經督各官照分數議處外其各商名

下應完鹽課作為十分欠不及一分者責二十板一分者

加號一箇月半責二十五板欠三分者加號兩箇月責三

十板欠四分者加號兩箇月半責三十五板欠五分者加

號三箇月責四十板以上欠課各商題參之日扣限一箇

月全完者免處如逾限不完照此例加責如於枷限內照

數全完者釋放免責如枷限滿日仍全不完納除杖責外

將該商咨參革退並帶徵等項俱以引窩變抵欠六分者

將該商杖六十徒一年所欠課項限四箇月全完欠七分

者杖七十徒一年半限六箇月全完欠八分者杖八十徒

二年限八箇月全完欠九分者杖九十徒二年半限十箇

月全完欠十分者杖一百徒三年限一年全完以上自六

分至十分將該商鎖禁嚴查家產如限內全完革退商人免其杖徒倘逾限不完即將該商發配所欠新課帶徵等項著落引窩家產變抵

人戶以籍為定

凡軍民驛竈醫卜工樂諸色人戶並以原報冊籍為定若詐軍作

民冒民脫匠免避己重就人輕者杖八十其官司妄準脫

免及變亂改軍為民改民為匠版籍者罪同

一各處衛所官軍人等及竈戶置買民田一體坐派糧差若不納糧當差致累里長包賠者俱問罪其田入官

一八旂從前投充及乾隆元年以前契買家奴果原繫竈戶祖父姓名籍貫確有證據令該大使查明出具印甘各結詳報該管上司核明行文該處查提準其放出歸竈仍將賣身之人枷號三箇月引進保人枷號兩箇月各責四十大板追取原價給主其並非竈丁指稱竈丁抗違家主者杖一百仍行給主

一大夥梟徒拒捕傷差案內凡得贓包庇之兵役俱擬斬監候私售之竈丁及窩頭之匪犯俱發伊犁烏魯木齊等處為奴

順治十四年題準。勢豪不許占攬引窩。商鋪不許自定值價。如有專利害民。串通經紀。攬賣勒索等弊。該御史嚴行禁飭。

順治十七年題準。鹽船過關。止納船料。如有藉端盤驗。額外苛求者。以枉法治罪。

康熙二十七年覆準。各場折課等銀。令竈總分催。各竈自封投匱。如劣衿蠹役。營充竈總。包攬收納。照包攬州縣錢糧

例治罪

康熙二十八年題準。鹽店設立小票。私畜鹽丁。概行禁止。有

擅用者。照違禁例治罪。

雍正元年議準。杜絕糧船私販。將為首旂丁。按法重處。

鹽引相離

一。商人運鹽。不準鹽引相離。違者同私鹽法。

掣盤鹽餉

一。商人運鹽。經過批驗所。依數掣盤。有夾帶餘鹽者。同私鹽法。若私越批驗所。不經掣盤者。亦按律治罪。押回掣盤。

不繳殘引

一。商人賣鹽已畢。十日內不繳殘引者。按律治罪。將殘引重

復行鹽者同私鹽法

攙和沙土

一竈戶將官鹽攙和沙土者照丁舵已經攙和漕糧例治罪  
官鹽提舉大使如繫縱容照攙和漕糧運弁不行查禁例  
議處如止失於覺察量減一等若知情受賄照枉法贓從  
重治罪官鹽著令經管官名下煎賠

一各省官辦鹽餉每年開煎時管鹽官將樣鹽呈送鹽政衙  
門驗發鹽道收貯如分發各屬行銷有夾帶泥沙者許承  
銷州縣呈報究參倘明知攙和不行呈報將贍徇容隱之

員一并題參

一商人將官鹽攙和沙土貨賣者查究治罪

官吏行鹽

一監臨鹽法官吏及內外權勢之人詭立偽名領引行鹽侵  
奪民利者查參治罪追繳引票鹽餉入官

場鹽離垣

一鹽場設立公垣場官專司啟閉竈戶煎鹽俱令堆貯垣中  
與商交易如藏私室及垣外者即以私鹽論商人領引越  
場亦在垣中買築場官驗明放行倘有私販夾帶等弊該

場官役一并參處

糧船食鹽

一。漕船受兌回空。每船往返各準帶食鹽四十觔。於查鹽處聽官秤驗。如有多帶。照私鹽律科罪。若零星秤出餘數。僅及二三觔。非繫影射夾帶者。不坐。所餘之鹽。仍變價入官。

商人欠課

一。商人未完鹽課。於奏銷時題參。自題參日。扣限一箇月。再不能完。按所欠分數治罪。欠不及一分者。答五十。欠一分者。枷號一箇月。答五十。欠二分者。枷號一箇月半。杖七十。

欠三分者。枷號兩箇月。杖八十。欠四分者。枷號兩箇月半。杖九十。欠五分者。枷號三箇月。杖一百。所欠於枷限內全完。釋放免責。枷限外全不完納。折責之外。仍革退商名。所欠以引窩變抵。又欠課至六分者。杖六十。徒一年。限四箇月全完。欠七分者。杖七十。徒一年半。限六箇月全完。欠八分者。杖八十。徒二年。限八箇月全完。欠九分者。杖九十。徒二年半。限十箇月全完。欠十分者。杖一百。徒三年。限一年全完。自欠六分至十分。均將該商即行鎖禁。嚴查家產。限內全完。革退商名。免其杖徒。限外不完。該商發配。所欠以



引窩家產變抵

船戶盜賣商鹽

一各省商運鹽餉如船戶實有勾串私梟盜賣爬搶情事準該商呈明地方官一面將船戶等查拏治罪一面轉報該鹽政核實所失鹽數補配行運將失去原鹽在各犯名下勒追變價報部充餉若地方官於商人呈報時不即據報準理故行抑勒者指名題參倘查繫商人串通船戶盜賣捏報搶竊者照私鹽例治罪

隱占竈地

一各場竈地止準竈戶管業不準豪右隱佔違者治罪凡場竈照額煎鹽大使親驗按月開報運司如有隱匿以通同治罪論不許混派雜役

順治十七年十一月巡鹽御史李贊元疏言各場竈丁罪重徒犯拘收在官責令照徒年限煎鹽如徒限未滿於場中再有私販擬以加煎之條仍發場中每名每日令其納鹽三觔每觔折銀一釐此官煎官竈時所立之法也今煎非官煎竈歸私竈而場竈私販仍問調場加煎之例並未見有折銀之行相沿已久承問各官率多習而不察大非前

人立法之意。況律載鹽場竈丁人等夾帶餘鹽出場貨賣者。即同私鹽。應杖一百。徒三年。查民間有犯三年徒罪者。即稍有力。亦納銀十兩八錢。而竈有加煎之名。並無究擬之實。亦何樂有此問擬之虛名耶。臣以為今後凡有竈戶犯罪。仍照鹽法條例問擬。與民一體納贖。不得異同。庶法重而犯者自少。所謂宜有變通者此也。竈丁為鹽法根本。倘遇凶荒流亡轉徙。亦根本之慮。邇年以來。恤竈之方闕焉。未講不知各場竈戶濱海而處。貧乏者多。日夜煎辦。無時休息。其拮手裸體勞筋苦骨之狀。良可憫惻。臣以為至

今以後。凡干礙鹽法。徒杖人犯罪。贖與夫場竈與販。照律問擬者。春夏仍追銀解部。秋冬糴穀上倉。貯各分司衙門。倘遇凶荒災眚。即查竈丁貧富。計其戶口。賑穀多寡。則貧竈得以安生。無可逃竄向隅之悲。所謂宜先撫恤者此也。部議鹽法內。一應罪贖。與興販私鹽變價及贖罪銀俱繫解部充餉。不便更易。其竈戶照民例納贖。據稱法重而犯者自少。應如該御史所議。每於年終。仍將問過若干起數。鹽餉變價。並贖銀細數。造冊送部。不得隱漏。

康熙四十五年江寧織造通政使兼兩淮巡鹽御史曹寅敬

抒管見培益鹽法一疏言私販之害官引俱繫積臬巨困  
 冥頑所致若不繩之以法則罔知畏懼近奉部議以鹽學  
 關差俱不準動刑若鹽差不準動刑私販何能斂跡官引  
 日致壅滯伏乞俯念鹽差非同學關之差可比請將私販  
 按法究處部議應如所題私鹽之徒準其用刑除正罪犯  
 外其餘禁止不許妄用刑法

雍正六年巡鹽御史鄭禪寶奏言奏銷未完經督各官均按  
 分數處分而欠課商人未有處分之例是以長蘆各商固  
 結陋習延挨觀望若將該商參革只以引窩抵變並無議

處而該商反得脫然局外請照所欠分數指名題參

枷責杖徒

按照所欠分數多寡定擬詳前則例

再額徵錢糧果能於歲內全完者臣衙

門按其課項多寡量給花紅扁額再從前蘆商積欠一百  
 十五萬四千八百餘兩分作十二年帶徵除徵收外下剩  
 八年未徵銀七十九萬七百餘兩如有踴躍急公不俟八  
 年於六年內全完者仰祈交部議敘或於四年二年內全  
 完者分別等第從優議敘下部議行

雍正六年議準刑部尚書勵杜訥條奏請申販私窩縱之法  
 四款一宜根究窩頓之家凡挈獲私鹽必詳究其買自何

地賣自何人嚴拏到案與私販者一體科罪。無引私鹽之禁。宜定越境興販有引之鹽。問以軍罪。無引私鹽。止科杖徒。似於法太疎。請嗣後私鹽三千觔以下。仍照律杖徒三千觔以上。問邊衛充軍。一當嚴有司開脫之弊。官役利在獲鹽。不擒梟犯。多致漏網。嗣後獲鹽務期獲人。如故為疎縱。官從重議處。役加倍治罪。一宜嚴申報不實之罪。嗣後隱匿肥己不報。與減報少者。計贓照枉法律治罪。未曾侵匿者。照徇隱例處分。各上司知情故縱及不知情而未揭參者。照徇庇失察例處分。

乾隆六年四月。刑部覆準廣東按察使潘思榘條奏。嗣後私販誣扳平人者。仍照律加三等杖一百。流三千里。再誣告例載。拖累致死一二人者。絞監候。今私販誣扳。既與誣告同科。則拖累致死。亦應照誣告例定擬。

乾隆十七年四月。巡鹽御史吉慶牌稱。認地行鹽。原不容攬越。律載。凡將有引官鹽轉於別境犯界貨賣者。杖一百。是應治罪者。惟轉於別境貨賣之人。非謂必追究本境賣鹽之商也。即例載。挈獲私鹽。亦指窩頓及場竈而言。并未有連賣商一并治罪之條。誠以商店賣鹽。原不能一一認識。

買鹽之人若必株連商店匪特無辜受累適為奸胥蠹役作生涯是以淮浙司道會詳越境官鹽事發止理見獲人鹽不提商店為法甚善今查蘆東所屬罕獲越境官鹽報案往往詳請關提鄰境之商店殊屬節外生枝合亟飭禁遵行

考成

鹽政任滿由京畿道考核

凡商之徵責之運使鹽道引之行責之州縣官課登引疏通者予敘課有逋負引有稽滯者劾議各計其分數而殿最之

凡巡鹽御史如有不病商民查出鹽務隱匿情弊多得銀課以濟國用者從優議敘

鹽員大計考核

大計之年鹽官內有操守廉潔才具優長政事勤敏者令各

該鹽政會同該督撫或兼管鹽務之督撫密行考核賢否開具事實保題有干六法者亦照六法例題參議處

鹽課初參

一兼管鹽務之知縣知州知府布政使各道欠不及一分者停其陞轉欠一分以上者降俸一級欠二分三分者降職一級欠四分五分者降職三級欠六分七分者降職四級以上俱令戴罪督催停其陞轉完日開復欠八分以上者革職

一運司提舉司分司大使等官繫專管鹽課之官欠不及一分者停其陞轉罰俸六箇月欠一分者罰俸一年欠二分者降職一級欠三分者降職二級欠四分者降職三級欠五分者降職四級以上俱令戴罪督催欠六分以上者俱革職

一巡撫管理通省糧餉其鹽課考成欠一分者罰俸三箇月欠二分者罰俸六箇月欠三分者罰俸九箇月欠四分者罰俸一年欠五分者降俸一級欠六分者降俸二級欠七分者降職一級欠八分者降職二級欠九分者降職三級欠十分者降職四級以上俱令戴罪督催停其陞轉

一署運司提舉司分司大使等官署事官員欠不及一分者罰俸三箇月欠一分者罰俸六箇月欠二分者罰俸九箇月欠三分者罰俸一年欠四分五分者降一級調用欠六分七分者降二級調用欠八分以上者革職署印不及一月者免議署司道府州縣事兼理官員欠一分二分者罰俸三箇月欠三分四分者罰俸六箇月欠五分六分者罰俸九箇月欠七分八分者罰俸一年欠九分十分者降一級調用署印不及一月者免議

鹽課限滿

一鹽課被參後州縣大使等官限一年其年限內不完不復作分數照原參分數處分州縣等官欠不及一分一年內不全完者降一級留任再限一年戴罪催完如再不完照伊所降一級調用欠一分二分一年內不全完者降三級調用欠三分四分一年內不全完者降四級調用欠五分六分一年內不全完者降五級調用欠七分以上一年內不全完者革職

一兼管鹽法之布政使各道并知府直隸知州被參後限一年半全完如欠不及一分年限內不全完者降職一級停

其陞轉欠一分二分年限內不全完者降三級調用欠三分四分年限內不全完者降四級調用欠五分六分年限內不全完者降五級調用欠七分以上限內不全完者革職

一運司提舉分司被參後限年半全完至運使提舉繫專管

鹽課之官應照布政使地丁錢糧例處分

地丁錢糧限滿巡撫布政使管

錢糧道官知府直隸州知州原欠不及一分者限內不全完降一級戴罪督催再限內不全完降二級戴罪督催三限內仍不全完者降三級調用其餘分司大使照州縣官俱照州縣例處分

地丁錢糧例處分

地丁錢糧限滿州縣官原欠不及一分年限內不全完者降一級留任再限一

年督催如又不能完照伊所降一級調用原欠一分年限內不全完者降三級調用如果能催完至八九釐者降三級留任再限一年督催如仍不全完者降三級調用原欠二分年限內不全完者降五級調用原欠四分年限鹽課繫原被參之官限內不完者不復作分數仍照原參分數題參如繫接徵接催官員以到任之日為始接徵州縣大使等官限一年接催布政使道府直隸知州運使等官限年半接催巡撫限二年如不能完題參之日照見在未完分數以初參例處分

銷引



一銷引欠一分者停其陞轉欠二分者降俸一級欠三分者降俸二級欠四分者降職一級欠五分者降職二級欠六分者降職三級欠七分者降職四級以上俱令戴罪督銷欠八分以上者革職其戴罪督銷者限一年銷完如限年內不完照徐淮等倉錢糧年限內未完例處分徐淮等倉錢糧被參後州縣官限一年內全完如原欠不及一分一年內不全完者罰俸一年欠一分二分一年內不全完者降三級調用欠三分四分一年內不全完者降四級調用欠五分六分一年內不全完者降五級調用欠七分八分一年內不全完者革職接徵官員以到任之日為始亦限一年如不能完題參之日照見在未完分數以初參例處分如行鹽地方各官有私派戶口勒買銷引者州縣官革職未

經查報之司道府等官各降三級調用巡鹽御史及兼理鹽法巡撫不行查參者將御史降一級調用巡撫降一級留任如鹽引不行題明私自那撥者該管官各降一級調用巡鹽御史降一級留任兼管巡撫罰俸一年其前官已完銷引不行送部者及保題鹽引遲延者或申報鹽引前後矛盾者將該管官罰俸一年巡鹽御史及兼管巡撫俱各罰俸六箇月

長蘆代銷鹽引

一長蘆州縣督銷鹽引如實遇水旱災傷鹽引不能銷售經

鄰邑代銷者該督暨該鹽政據實聲明免其議處外其並非災歉之歲銷引不及分數雖鹽已代銷仍按其未完分數查參照例議處於次年詳加察核如能比上年多銷一分準將上年處分題請開復其本年查有未完分數仍行照例查參如不能多銷或更不及上年分數除上年處分不準開復外仍按本年未完分數查參議處統再俟次年比較多少分別查辦至本地備銷額引業至八分以上其通融代銷僅止一二分者毋庸議處

鹽引賣與別縣

一此縣之引賣與別縣者未經查報之府廳官罰俸一年布政使按察使罰俸六箇月

巡鹽御史考核

一巡鹽御史鹽課欠不及一分者罰俸一年欠一分以上者降俸二級欠二分以上者降職一級留任欠三分以上者降職二級留任欠四分以上者降三級調用欠五分以上者降四級調用欠六分以上者降五級調用欠七分以上者革職

直隸州鹽務責成州同州判

一各直隸州督銷鹽引巡緝私鹽原繫府同知經管者改歸州同原繫通判經管者改歸州判其無州同者歸於州判兼管無州判者俱交與州同管理如銷引不完以及巡緝私鹽不力者該撫查參照例議處

各省徵課銷引全完議敘

一各省經徵鹽課督銷鹽引催徵各官能於奏銷前催徵全完或前官並未徵解接任官於奏銷前催徵全完總以一官全完一年課引者無論正署俱照地丁錢糧全完例議敘

州縣官經徵一應起運本年錢糧五萬兩以下一年內全完者紀錄一次五萬兩以上十萬兩以下一年內全完者紀錄一次

完者紀錄二次十萬兩以上一年內全完者紀錄三次督催知府直隸州及管錢糧道官十萬兩以下一年內全完者紀錄一次十萬兩以上二十萬兩以下一年內全完者紀錄二次二十萬兩以上三十萬兩以下一年內全完者紀錄三次督催布政使五十萬兩以下一年內全完者紀錄一次五十萬兩以上一百萬兩以下一年內全完者紀錄二次一百萬兩以上一年內全完者紀錄三次督催兩以上一年內全完者紀錄一次

年帶銷之項未完者亦不準議敘令該督撫鹽政於題銷

疏內分晰聲明以憑核議如有未完捏報全完者俱照地

丁錢糧捏報全完例議處

經徵州縣官將未完之錢糧捏報全完轉報或一年內二三官徵完之錢糧捏報為一官徵完申報者州縣官革職司道官各降二級調用巡撫降一級調用如州縣官申報未完司道府完申報者司道府革職州縣官免議如司道府申報未完巡撫作完題報者巡撫革職司道府免議如起

解錢糧並未起解申報起解或庫內無銀申報有銀者各降二級調用巡撫罰俸一年如一應批迴未領稱為已領未發稱為已發者各罰俸一年

煎販私鹽

一官員該管界內有伊衙役私行煎販或私賣者本官不能覺察別經查出者革職其軍民人等在伊界內私行煎鹽或私賣不能覺察別經查出者降三級調用兼轄官降一級罰俸一年如該管官自行拏獲者免議或自行查出未經拏獲詳報通緝者俱照例革職降級留任限一年緝拏逾限不獲仍照例降革其兼轄之上司俱免議如旂下人

私鹽事發伊主繫官罰俸兩箇月如本官自行拏獲者免議至官員行鹽無術以致商販不前或不遵行食鹽舊例借端不行鹽者俱罰俸一年或苦累需索以致商販不前者降一級調用

管鹽官失察場竈販私

一運使運同運判鹽場大使繫專管鹽務之員如竈丁販賣私鹽大使失於覺察者革職知情者革職交部治罪運同運判失察一次者降職二級失察二次者降職四級俱留任戴罪緝拏一年限滿無獲將運同運判等官罰俸一年

各帶原降之級緝拏如又年限已滿不獲運同運判仍罰俸一年各帶所降之級緝拏拏獲私鹽之日俱準其開復失察三次者革職運使失察一次者降職一級失察二次者降職二級失察三次者降職三級俱留任戴罪緝拏一年年限滿無獲罰俸六箇月帶原降之級緝拏如又年限已滿不獲仍罰俸六箇月帶所降之級緝拏拏獲私鹽之日準其開復失察四次者降三級調用

小夥私鹽議處

一。梟徒販私並拒捕殺傷兵丁人等不能擒獲失察之該管

州縣吏目典史等並失事地方官失察一次者降職二級

失察二次者降職四級俱留任戴罪緝拏一年限內拏獲一半以上者未

經拒捕之案準其開復繫拒捕傷人免其初參處分餘賊限一年緝拏不獲罰俸一年餘賊照案緝拏限滿

不獲罰俸一年各帶原降之級緝拏如又年限已滿不獲

仍罰俸一年各帶所降之級緝拏拏獲私鹽之日俱準其

開復失察三次者革職道府直隸州知州等官失察一次

者降職一級失察二次者降職二級失察三次者降職三

級俱留任戴罪緝拏一年限內拏獲一半以上者未經拒捕傷人之案準其開復繫拒捕傷人

免其初參處分餘賊限一年緝拏不獲府州罰俸六箇月道員罰俸三箇月餘賊照案緝拏限滿不獲

罰俸六箇月。各帶原降之級。緝拏如又年限已滿，仍罰俸六箇月。帶所降之級。緝拏。拏獲私鹽之日，俱準其開復。司上

因屬員失察，帶所降之級。緝拏自行拏獲者，固應開復。若原參案內所轄屬員降級之案，因拏獲私鹽開復，其本案之上司亦準其開復。失察四次者，降三級調用。

大夥私鹽議處議敘

一。梟徒販私聚眾十人以上，帶有軍器，失於覺察，或官兵巡

拏人等，不能拏獲，間被殺傷，僅獲二三名者，專管官降二

級留任，兼轄官罰俸一年，俱限一年緝拏。限內拏獲一半以上者，未經拒

捕傷人之案，準其開復。繫拒捕傷人之案，將專管官降一級留任。拏獲之日，再行開復。兼轄官罰俸一年。限滿

不獲，專管官照所降之級調用，兼轄官降一級留任。本處

並未拏獲，被別處拏獲者，將專管官降二級留任，三年無

過開復，兼轄官罰俸一年。若別處雖拏獲少一二人者，仍

照例處分。地方官遇與販拒捕，不行擒拏，故為疏縱，該督

撫巡鹽御史查參，將該地方專管官革職，兼轄官降二級

調用。凡與販拒捕，屬員失察，故縱上司徇庇，不參照徇庇

例議處。如專管官一年內拏獲十人以上，帶有軍器，大夥

私販一次者，紀錄一次；二次者，紀錄二次；三次者，加一級

四次者，加二級；五次者，不論俸滿即陞，兼轄官一年內拏

獲三次者紀錄一次。六次者紀錄二次。九次者加一級。挈獲次數多者俱照次數加級紀錄。

失察私鹽過境

一。販私鹽梟由他處入境人鹽並獲。或挈獲過半者免其處分。餘犯照案緝挈。其有經由地方並無販賣情事。經別處發覺者。繫大夥將地方專管官罰俸一年。小夥罰俸六個月。

失察大夥私鹽

一。凡旂人兵民聚衆十人以上。帶有軍器。興販私鹽。失於覺

察者。將失事地方專管官革職兼轄官降二級。俱留任。限一年緝挈獲一半以上者。還其官級。若不獲者。照此例革職降級。該督撫巡鹽御史如有失察官員。徇庇不行題參。照徇庇例議處。專管官一年內挈獲十人以上。帶有軍器。大夥私販一次者紀錄一次。二次者紀錄二次。三次者加一級。四次者加二級。五次者不論俸滿即陞兼轄官。一年內挈獲三次者紀錄一次。六次者紀錄二次。九次者加一級。挈獲次數多者俱照次數紀錄加級。

挈獲興販私鹽

一十人以上帶有軍器興販私鹽失察各官繫本處拏獲一半者照例免其處分外其本處雖未拏獲被別處全獲者亦免其處分若別處雖拏獲少一二人者仍照例處分

察大夥私鹽例處分至限年緝拏之後計未獲人數拏獲一半以上者將拏獲各官原參降級革職留任之案準其開復未經拏獲各官仍照二參例處分已經全獲者不論何處拏獲將原參各官降革留任之案準其一體開復

### 大夥私鹽拒捕

一私梟黨眾官兵不能拏獲或止獲二三名及兵丁被殺傷者專兼各官俱免其處分限一年緝獲如不獲仍照舊例

處分照失察大夥私鹽例處分

### 故縱鹽梟上司容隱

一大夥興販聚眾拒捕及執持器械殺傷巡拏人等脫逃之梟徒照緝拏強盜例勒限嚴緝務獲按律擬罪倘有不行擒拏故為疎縱情弊將該地方專管官革職兼轄官降二級調用如上司容隱不參將上司照徇庇例議處

### 失察小夥私鹽

一興販私鹽該管吏目典史知州知縣等官失察一次者降職二級失察二次者降職四級俱留任戴罪緝拏一年限滿無獲罰俸一年各帶原降之級緝拏如又年限已滿不



獲仍罰俸一年各帶所降之級緝拏拏獲私鹽之日俱準其開復失察三次者革職道府直隸州知州等官失察一次者降職一級失察二次者降職二級失察三次者降職三級俱留任戴罪緝拏一年限滿無獲罰俸六箇月各帶原降之級緝拏又如年限已滿不獲仍罰俸六箇月帶所降之級緝拏拏獲私鹽之日俱準其開復

上司因屬員失察帶所降之級

緝拏自行拏獲者固應開復若原參案內所轄屬員降級之案因拏獲私鹽開復其本案之上司亦應準其開復

失察四次者降三級調用小夥私鹽拒捕

一。梟徒販私並拒捕殺傷兵丁人等不能擒獲者仍照例處分照失察小夥私鹽例分別議處全獲者免議拏獲一半者專兼統轄官俱免其處分餘賊限一年緝拏如一年內不獲將專管官罰俸一年兼轄官罰俸六箇月統轄官罰俸三箇月餘賊照案緝拏

拏獲私梟過半免處疎防

一。販私鹽梟由他處入境巡役緝拏拒捕殺傷或當場人鹽並獲或於疎防限內拏獲過半以上者將事由據實呈報咨部免其疎防處分餘犯照案緝拏其有大夥與販隱諱

不報及人鹽並獲。輕為開脫者。將專管官革職。兼轄官降二級調用。不知情者。均各照失察私鹽例處分。

糧船回空夾帶私鹽

一。凡關津過往回空糧船。如有夾帶私鹽貨賣。管船同知通判等官。知情故縱者。革職。不知情者。降三級調用。

鹽徒搶奪開關

一。嗣後如有聚眾販私。拒捕殺傷人等案。仍循舊例查參外。其有奸徒搶奪鹽店。及開關場竈等事。地方文武官弁。即行拏獲。究出主使同夥。如獲犯過半。並獲首犯者。仍參疎

防。照依盜案之例。免其處分。如獲犯不及一半。或不獲首犯者。照依盜案例參處。限年緝拏。限滿不獲。亦照盜案例處分。如平時漫無約束。臨事不即擒拏。有意姑息。致長刀風者。即將該管官弁題參。照溺職例革職。各犯交與接任官。照案緝拏。該管巡道府廳直隸州。將備等不行揭報。一并查參。如地方官弁。整飭有方。鹽引疏銷。私販斂跡。一年之內。並無應參之案者。準其紀錄一次。三年之內。整飭有方。鹽引疏銷。私販斂跡。並無應參之案。準其加一級。若有司希圖議敘。隱匿不報。或將大夥之案。捏作偶然湊合。巧

為開脫者一經查出隱匿者亦照盜案例革職巧為開脫者照失出例處分

給照販私

一官員不能挈獲私煎反給印照與販者革職上司徇情故縱者降三級調用失察者降一級罰俸一年

已撫鹽梟復行販私

一已撫鹽梟復行販私審實者將本犯解部發遣其出結之地方專汛兼轄及該管各官俱照失察卦子例議處

匿報鹽犯

一大夥私鹽必有為首之人如該地方官明知不報事發時將匿報各官革職嚴加議罪

平民混作私販查拏

一地方各官失察外省倭棍來境私販仍照定例處分有能拏獲倭棍販私鹽千觔以上者將該管官核實題請紀錄如有不肖官員貪圖紀錄將貧難軍民肩挑背負易米度日之人及外省來貿易之平民混作私販倭棍查拏私用非刑害人致死者將該員照誣良為盜例革職如未經致死者將該員降一級調用

侵入私鹽贓物

一地方各官挈獲私販務將人鹽數目據實詳報一切私鹽贓物例應入官者不得有一毫隱諱如將所獲私鹽侵入已索或與各役分肥並大夥拒捕之案從中漁私將人鹽數目以多報少者將該管官弁題參革職計贓照枉法律治罪其未曾侵匿者照徇隱例議處上司各官知情故縱者照徇庇劣員例議處雖不知情而未經揭參者照不揭報劣員例分別議處

承審鹽犯不實

一挈獲私鹽承審各官務先究明買自何人何地繫何場竈透漏有無窩頓之家運往何處囤賣並買鹽月日鹽餉數目提集犯証並密提竈戶煎鹽火伏簿扇審無証攀確據按照律例治罪該管地方官場員分別何員失察將何員議處不得聽該犯指供含糊參處倘承審各官不將誣攀情由審出即照不能審出盜賊誣攀良民例分別議處如任犯狡供仍以買自不知名姓率混具詳不能究出私鹽來歷及運往何處囤賣實情者革職或聽其指供含糊請參草率完結者照不取緊要口供例分別議處

挈獲私鹽不照律治罪

一收賣私鹽船載車裝馬馱絡繹應照無引私鹽律治罪不得藉口買自店家本屬官鹽曲為開脫地方官挈獲私鹽如作官鹽杖責完案照故出人罪律參處

失察私鹽因公出境免議

一私鹽經過境內如有實繫因公出境之員即於查參案內據實確查聲明到部準其免議如並非因公出境混行詳請者降一級調用該管上司照未確察代請免議者罰俸一年

監斃鹽犯

一鹽犯除大夥興販持械拒捕有窩囤地棍賣私店主者仍照定限審結至實繫老幼貧難男婦肩挑背負四十觔以下易米度日者例不緝捕無庸監禁外其餘挈獲私鹽肩挑背負四十觔以上等犯易結之案該地方官將見獲之犯隨獲即行審結其有遲延在四月內將人犯監斃者該鹽政會同督撫將遲延緣由咨部照承審官例議處倘再有任意不結拖累至四月之外以至一案監斃至三人一年監斃至三案者該鹽政會同督撫查參將州縣照獄官

監斃例議處

各省解餉官員不許常令管解以免熟識通同滋弊嗣後如不行更換屢次管解即將解員治罪地方官議處

凡道路村莊劫失餉鞘護送官革職地方官革職留任同城知府住俸不同城知府免議道員罰俸六箇月俱限一年緝拏全獲開復若限內獲賊過半已獲盜首者將地方官仍留任同城知府降一級留任道員罰俸一年未獲賊犯俱照案緝拏倘逾限一年獲賊不及過半或過半而盜首無獲者將地方官革任同城知府降一級調用未獲賊犯

交與接任官照案緝拏有加級紀錄俱準抵銷如一經失事鄰汛官員及地方官即能獲賊過半已獲盜首者將地方官並同城知府及該管道員俱免其處分至劫失錢糧交與該部照例行令分賠

護送餉鞘官員如有失鞘如不由大路不執票赴營伍州縣掛號撥兵護送並分賠銀兩限內不能賠補及雖經分賠還項而地方官尚未緝獲賊犯者該解官革職之案不準開復如解官經由大道執票掛號所失錢糧限內賠完者俟該地方官獲賊之日將解官一并題請開復如賊犯雖

未緝獲該解官果能限內竭力將所失錢糧獨賠還項者革職之案亦準其開復

鹽課銀兩起解京協各餉所需水脚向繫商人自備應用並不按站給與夫馬供應每逢起解之期巡鹽御史豫先移會前途督撫撥兵護送務由大路按站而行夜宿州縣照例撥給人夫巡守如有踈虞經過之地方文武各官照例分賠如巡鹽御史不移會督撫解官不知會地方官潛行小路致有踈失著落解官名下追賠解官不能完項即著差委之上司賠補

解餉失鞘地方文員分賠一半差委不慎之大員分賠三分解員賠二分如解員不能賠補亦著差委之大員賠補武員照例議處免其分賠

各省應徵鹽務雜款銀除河東之公務官錢未完向歸正課并計分數參處應照舊辦理外其四川之羨餘長蘆之領費告費山東之雜項公費兩浙之引規耗羨兩淮之耗羨規費廣東潮橋各埠之公費場脚雜項廣西之秤頭鹽羨土司餘鹽價羨俱繫年額應徵之項宜年清年款奏銷時如有未完將經徵官均照雜項錢糧未完例議處

招商行鹽遲延鹽道暨州縣官罰俸

順治十六年題準將領衛弁縱兵私販該州縣官緝拏揭報參處

康熙四年題準經管鹽課官報明巡鹽御史查核完欠方許離任如有未完準其離任者御史降二級調用

康熙六年戶部會議題準鹽差御史遇閏月之年令連閏在任十三箇月為一年差滿考核近差扣至十一箇月報滿遠差扣至十箇月報滿如無閏之年仍照舊例遵行

康熙七年題準巡鹽御史所轄官員如有貪酷不時糾參外

其舉劾一年一次長蘆所轄方面官三十七員應薦一員有司三百四十四員應薦五員如但有薦舉而無參劾者將所薦之官不準如薦舉過額及濫舉貪酷官員並不干鹽政而舉者或有錢糧盜案未結而舉者照例分別降調康熙七年題準州縣衛所官勒令百姓買引私派戶口銷鹽者革職司道府都司不察報巡鹽御史失於覺察照例議處

康熙九年戶部議準僉都御史陳一炳條奏巡鹽御史道司分司州縣等各官任內徵收鹽課虧額者仍照考成定例



處分其全清及溢額議敘紀錄加級俱行停止

康熙十年題準京城及采育營地方引鹽向由崇文門鹽督

徵收嗣後責成大宛二縣行銷與各州縣一例考成

康熙十五年題準各官該管界內有私煎販賣者繫伊衙役

革職繫軍民人等降調如旗人私煎販賣者本主自行挈

獲者免議

康熙十五年題準長蘆運同運判首領屬官止從本衙門運

使注考徑送撫按

舊志載舊例鹽運使考語照各道官例  
今布按二司填注運同運判及首領屬

官令各衙門正官考核至布按二司覆考申送督撫

康熙十七年題準大夥賣販私鹽至十人以上帶有軍器專

汛官徇縱不挈者革職兼轄官降二級調用失察者專汛

官革職留任兼轄官降二級留任皆限一年緝挈獲半即

準開復限滿不獲專汛官革任兼轄官降二級調用其本

汛雖未挈獲經別汛全獲亦免議不全獲者仍照例議處

又議準官弁一年內挈獲十人以上帶有軍器大夥私鹽

者一起紀錄一次二起紀錄二次三起加一級四起加二

級至五起者不論俸滿即陞兼轄官視其所屬一年內有

挈獲三起者紀錄一次六起紀錄二次九起加一級再有

多者照此遞加

康熙十七年議準凡商人藉引多帶私鹽販賣並回空糧船夾帶私鹽查獲者俱照律治罪巡鹽御史嚴飭所屬各官上緊緝拏如仍前疎縱即行題參如御史不行題參被科道糾參或被旁人出首者將御史一并從重議處

康熙二十二年題準凡私鹽經沿塗官兵捕快盤獲者徇縱之場官及失察官一并議處

康熙二十八年議準私梟全獲沿塗失察武職免議

康熙二十八年議準武職拏獲別汎私梟者準予議敘

康熙三十三年議覆運丁夾帶私鹽沿塗各官失察謊稱出境者降調

雍正元年遵

旨議定管鹽務官貪劣事實或被督撫科道糾參審確者將不參之巡鹽御史及不報之運使等官皆照督撫司道例分別處分如巡鹽御史將伊所屬管鹽貪劣官題參與督撫司道無涉免其議處如將清廉之官屈為貪劣題參審虛者將原報之運使等官各降二級調用巡鹽御史降一級調用

雍正元年吏部題定嗣後大計之期其不入舉劾之各官知州知縣運同運判繫經徵錢糧之員注其管收除在實數若干委無虧空居官注其操守才具若何年力政事若何該管上司遵照新頒考語冊式出具並無虧空印結報部雍正七年八月戶部劄付先據護理兩淮鹽政布政使高斌呈稱催徵錢糧各官奉文議處之後若將未完錢糧照數通完其原議革職留任及降職降俸與夫停陞戴罪督催之案俱應題請開復若止奉議罰俸而無停陞督催之案者其原參錢糧後雖通完所奉議罰之俸仍應完解並無

可以開復之處乃鹽課案內此等罰俸之官於錢糧通完之後亦皆具題開復以後似應照地丁等案見行事例將續解通完銀兩於年限案內彙冊報部庶奉行畫一擬合咨部本部以鹽課項下罰俸之官錢糧通完之後可否照地丁見行事例免其具題開復之處事隸吏部應移咨吏部查議今準吏部咨稱鹽課錢糧未完各官或議處降俸降職並停陞戴罪督催者如參後全完仍照地丁等案具題開復若初參止以罰俸議結續報全完者俱應照地丁等案例免其具題仍令該員將罰俸銀兩完解於年限內

彙冊咨報戶部核明移咨本部銷案相應知照護兩淮鹽政并行文各鹽差一并查照

雍正十年長蘆運使彭家屏詳稱各省場竈錢糧例由分司督催場員徵解獨長蘆參差不齊有由分司督催轉解有由場員徑解不由分司督催更有俸糧一項不獨分司無督催之責即場員亦無經徵完欠考成獨在運司考成之內擬請嗣後奏銷時將各場等銀總算十分為率俱繫場員經徵分司轉解如不足數場員一例參處分司照督催例參處運司合商竈課總計分數參處再定例鹽課未完

被參後經徵之大使限一年全完督催之分司限年半全完限內不完照州縣官地丁錢糧例處分獨長蘆青滄兩分司督催竈課初參後亦限一年全完如有不完即復參處是分司督催之限同於大使經徵於例不符請咨明大部查照成例分司二參之限仍照一年半扣算查參經巡鹽御史鄂禮呈請部示覆定遵行

乾隆六年奏準失察小夥私鹽降級留任各官限一年緝拏限滿無獲專汎官罰俸一年兼轄官罰俸六月各帶所降之級再限一年緝拏限滿無獲專汎官再罰俸一年兼轄

官再罰俸六月各帶所降之級鹽犯照案緝拏

乾隆六年三月部覆兩淮鹽政準泰議奏積慣梟徒串同奸竈興販私鹽及被獲到官每不將賣鹽竈戶據實供出反將殷實良善之人任意誣扳藉端索詐而承審各官聽其狡飾不為窮究含混完結以致積梟奸竈兩無顧忌請申嚴定例再行通飭應如所題再行通飭各州縣嗣後審理鹽案務究明來歷私鹽是何場竈買自何人嚴提究擬如繫誣扳將被誣之人即行釋放其誣扳之鹽犯照例加等治罪並嚴飭各分司場員再行明白曉諭十家牌內實力

稽察一有私販即行首明如敢窩藏隱匿或經審出或被旁人告發即照例治罪如承審各官聽其狡飾含混完結者即按鹽犯罪之輕重照不取緊要口供例分別議處

乾隆十一年十二月二十二日刑部議準兩淮鹽政吉慶條奏從前商竈有事關鹽法催徵折價稽查火伏亭場草蕩緝私等爭訟事件許該場大使就近準理自行完結遇有重大案仍詳明分司運司核結如商竈赴運司各衙門具控之案亦酌量批行場員辦理惟命盜賭博姦拐匪竊鬥毆打降私宰私鑄以及海洋商漁透漏米鹽一應案件及

民竈互控之案俱歸地方官查辦場員不得干預誠以命盜重情原非大使所應審茲該鹽政吉奏稱場竈多有賭博姦匪鬥毆等事地方官距場遼遠遂致作奸犯科釀成大案嗣後應準該場大使先行申禁約束一有干犯立即就近查拏移送地方官審理并將拏送情由報明運使查核不得混行提拏無干之人借端滋事致干議處該場員與有司原屬一體場員拏獲賭博奸匪等案照文武官拏獲私鑄賭具互免失察處分等因奉

旨依議欽此

乾隆十三年四月部覆湖南巡撫楊錫紱奏為請酌題請開復之例以一體制一摺查各省正雜錢糧續報徵完案內或有咨請免議者或有題請免議者辦理均不畫一是以戶部於雍正十二年十月內奏請將本年奏銷錢糧未完各官如參後續報徵完經部議覆奉

旨該省已接準部文者該督撫將該員議處之案題請開復若參後續完未經題覆該督撫咨文報部即於本案奏銷內扣除免議已經奉

旨開復通行遵照在案但續報全完案內有見任去任之不同大

員微員之各異。若因零星錢糧一概題結。未免紛擾。嗣後續報全完。如一案之內。既有見任及大員。必須具題。自應將去任並佐雜等官。已完錢糧。仍照例附入題本聲明。若僅止去任。及佐雜微員。應準其照未經議覆行文之例。將已完錢糧數目。止用咨文報明戶部。至該撫奏稱另案革職。則已無可開復。而佐雜之員。陞調但止咨部。則開復似亦止。應咨部不必一概具題。查另案參革人員。如有續報全完。原參議處之案。原應毋庸開復。至於佐雜微員開復。例止咨部辦理。應如所請。嗣後錢糧未完案內各官。續報

全完。如繫另案革職。以及佐雜微員。毋庸概行具題。止用咨文報明。戶部核明。轉咨吏部查辦。

乾隆十四年。奏準。天津。阿城。淮安。儀徵等處。原繫產鹽地方。該督撫轉飭地方營汛官弁。於糧船經過之時。嚴行稽察。舵丁水手。應需食鹽。每船總不許出四十觔之外。如不實力稽察。以致舵丁水手。夾帶過四十觔以外者。運官照例議處。該營汛官弁。罰俸六月。

乾隆十六年。議準。各省武職官弁。經上司委辦鹽務。即有緝私疏引之責。遇失察大小私鹽。將承辦官照專汛例議處。

總辦官照兼轄例議處如罕獲大夥私鹽照所獲起數分別議敘

乾隆十七年覆準巡鹽御史吉慶奏以督銷州縣因引可通融視同膜外請將銷引未完州縣雖鹽已代銷仍按其未完分數察參於次年詳覈以原參分數為準如比上年多銷一分即準題請開復如不能多銷或更不及上年分數者除不準開復外仍按本年未完分數參處統俟次年比較多則均行開復少則仍令戴罪督銷其已銷至八分以上代銷僅一二分者免議

乾隆四十三年吏部兵部刑部議準兩江總督高晉等會奏墮銷鹽勦處分未完四分以上仍照舊例辦理外其五分以上舊例降職二級者改為降二級調用六分以上舊例降職三級者改為降三級調用七分以上舊例降職四級者改為降四級調用不準融銷開復其墮銷引鹽議以降級調用之員任內有軍功錢糧加級紀錄者準其抵銷至別項級紀仍不準議抵巡緝私鹽標弁應分勤惰酌予敘罰以專責成如有獲私至四千觔以上者準其留巡一次如半年期內能緝獲大夥私鹽久慣窩頓並積算鹽勦在



一萬餉以上者遇缺先行補用兵役加倍賞給其半年期內漏私至四千餉者降一級留任四千餉以上者降一級調用一萬餉以上者革職兵役嚴行究處并於標弁巡滿時積算漏私餉數咨報兵部以憑分別查議倘事後發覺該督即於案內聲明附參送部辦理其派出巡鹽員弁姓名仍令該督備造清冊送部存案備核倘有大夥梟徒如嶧縣鹽城拒捕傷差之案即將包庇之兵役從重問擬斬候私售之竈丁及窩頓之匪犯一體擬發伊犁烏魯木齊等處為奴載入例冊永遠遵行

緝私

凡無引而私行及越境私販者有禁民或犯令由地方文武官緝治之疎縱者論若老弱孤獨擔負四十餉以下者免幾

私鹽變價

一地方挈獲私鹽照本地官鹽價值交商一律變價入官毋

許胥役領賣滋弊所獲馬騾牛驢分上中下三等交州縣

變價騾每頭八兩七兩六兩馬每匹七兩六兩五兩牛每隻六兩五兩四兩驢每頭五兩四兩三兩如延

挨不變以致倒斃者著落州縣官照中等價值賠補車船

等物照時價變價。州縣侵漁捏報。照侵盜錢糧例處分。承變遲延。照本例處分。仍於每年底分晰報部查核。

牌鹽

一。各省附近場竈貧民。年六十以上。十五以下。及壯歲有殘疾。並婦女年老孤獨無依者。準報明該地方官。驗實註冊。給以印烙腰牌木籌。許其每人每日挑賣鹽四十觔。仍止準行陸路。不準船載。其長蘆之灤州。遷安樂亭。豐潤寧河。盧龍撫寧。昌黎。天津靜海。滄州鹽山等十三州縣。老少貧民。每名日給制錢二十四文。錢文俱繫商捐給領

各省巡緝私鹽。均責成專汛。及鄰汛額缺員弁。經營不得另派候補人員。或營汛遼濶。本汛相距遙遠。又無附近鄰汛。可委勢須派員巡查者。其所派額缺千把。以及經制外委。準其按照委弁品級。并巡查地方遠近。日期久暫。於鹽規銀內酌給盤費銀兩。以資辦公。

一。直隸省天津鎮標等營。歲給派撥巡鹽兵丁盤費公食銀三千二百二十三兩二錢。修理巡船工料等銀二百二十四兩。靜海營月給派撥巡鹽兵丁薪水銀一百一十五兩。均於鹽規銀內分別動用。造冊報銷。

順治十七年覆準口外鹽不許侵入長蘆行鹽之地如有違越照私鹽參處

康熙五年題準天津大沽鹽船出口巡鹽御史印給號票填明人數地方防汛官查驗放行如無印票及人數不符并帶違禁貨物者挈獲治罪地方文武官疎縱者照所定出境例處分

康熙六年直隸巡鹽御史會題長蘆鹽船由海運鹽據司道會查裝鹽船隻別無小河可通必從天津大沽出口由海邊行走請仍照順治十三年兵部覆準之例令船戶領巡

鹽御史印票赴海防大沽營驗明出入船到東省令海豐縣掛號并會東省河口汛防官兵巡檢司驗放違者治以重罪則海禁與鹽課均兩無貽悞下部議行奉

旨依議這裝運鹽餉如有人船多於定數及鹽餉之外違禁夾帶貨物等弊將地方各官與所議各官一并從重治罪

康熙九年題準凡旗人販賣私鹽照例治罪外其主繫官罰俸繫平人鞭責佐領內管領驍騎校罰俸領催屯長鞭責其馬場牧人有犯私鹽者營總參領等皆罰俸領催等各鞭責

康熙九年準巡鹽御史李棠羅璧等題州縣額設私鹽銀兩原因行鹽地方恐有私販巡役賄放每年科以額獲私鹽若干為前御史續支造冊奏銷心紅紙張各役工食商人獎賞並賑濟貧生孤民修理船隻衙署抵解更名食鹽變價等用雖有懸設之額未敷所支之數原未報部理合奉裁嗣後如有見獲私鹽銀兩報解州縣如有私徵者該御史指參議處額設私鹽獲免始此

康熙十六年劣衿張大壯等包管陳村私煎鹽餉共得贓銀一百七十兩刑部等衙門議定包管私煎鹽餉律無正條合比照凡私煎貨賣者同私鹽法杖一百徒三年折責四十板餘依律治罪

康熙十八年題準凡私鹽經沿途官兵捕快盤獲者徇縱場官及失察官一并參處

康熙二十七年商河縣楊會尹九人販私拒捕射死一人傷五人議照十人以下原無兵杖遇有拒捕因而傷至二人以上律為首擬斬下手人擬絞未下手人充軍著為令

康熙三十年河南巡撫閻興邦疏稱巡緝私鹽例有專責在官則有州縣印捕專汛營弁等官在役則有鹽捕弓兵等

人。至於道臣。所以督率州縣緝私銷引。未有差人遠住隔省巡緝之例。應行禁止。議行。

康熙三十年。覆準巡緝私鹽。原繫運使專責。令在所轄地方。巡緝私鹽。毋許差人別往地方巡緝。藉端生事。擾害地方。挾制有司。

康熙三十七年。靜海縣知縣鍾尚志。二次捉獲私鹽船隻。隱匿七月不報。同知郭鳳起始行申詳。都察院衙門議準。該員將私販鹽徒縱放。而所獲之鹽。欲行入己。情弊顯然。應將鍾尚志照例革職究擬。

康熙三十九年。總督阿山疏稱。私販拒捕。若兵丁有被殺傷。專汛官即罹重譴。則人皆自顧功名性命。所以反生懈心。請嗣後巡緝大夥鹽徒。有能人鹽全獲者。臣與巡鹽御史酌量捐賞。設遇私梟黨眾。反被殺傷。專兼各官從寬概予免議。其有縱私不擒者。仍定嚴法繩之。兵部等衙門議定。大夥鹽徒不能全獲。或止獲二三名。及兵丁反被殺傷者。專汛兼轄各官免其處分。限一年緝獲。如不獲。仍照舊例處分。

康熙四十二年。香河縣李四等興販私鹽。拒捕射殺巡役。直

隸巡撫審擬分別斬徒杖罪三法司以初供同夥十四人而該撫謂傅大等五犯非此案同夥止照十人以下律圖卸地方官處分應再行嚴訊確擬從之

康熙四十六年覆準私販致礙官引皆繫積臬巨國所致嗣後鹽法衙門將私販之徒準其用刑拷訊除正罪外其餘不得濫用刑訊

康熙四十六年覆準巡鹽御史到任差人坐落各場名為緝私實即射利急行裁革

康熙四十六年覆準私鹽之充斥皆由總商不革官自為私各賣已鹽以圖一時之利令將總商革去違者該督撫即行指參

康熙四十九年天津都司張裕兵丁家人開店販私被獲革職嚴審究擬

雍正元年巡鹽御史莽鵠立遵

旨會議疏言直省私鹽其始不過希圖小利原無強橫迨至日久利之所在即有地方光棍出為幫頭或稱將頭將人鹽囤入村莊按戶灑派約時收價肆行無忌人愈衆而鹽愈多地方文武官雖有巡緝之名實有莫可如何之勢必嚴飭

地方官密訪為首之人務獲重處餘皆開釋既無領袖之人則鹽徒之勢孤而緝獲易再肩挑背負不在禁例原指人少而言近則男女絡繹雖止挑負而亦虧鹽課宜嚴挈杖責私鹽入官至於竈戶誘致鹽徒賤賣偷利應交鹽政衙門設法嚴禁從之

雍正二年議準販賣私鹽交與地方官不時嚴加察緝除奇零肩賣者不必緝挈倘有大夥鹽梟督撫會同將軍撥旗兵協捕其私販為首之人與裝載私鹽之船戶挈獲一同治罪挈獲及出首之人照鹽數議敘

雍正二年議準如有積梟藉稱貧民將私鹽潛行窩囤與販貿易者令地方官弁及鹽政衙門一同稽察

雍正二年直隸巡撫李維鈞疏稱天津南至滄州灘場惟靜海縣屬之四黨口為私販出沒要路應撥撫標下守備一員把總一員移駐於保定在城三營內撥馬步兵五十名天津標下撥馬步兵五十名歸守備管轄一年更替私鹽由此而出而人鹽不能並獲者備弁照失察私鹽例參處倘能於三年內無一私販請以應陞之缺即用又山東交界之鹽山縣屬高家灣為鹽梟越販之區請撥天津鎮標

就近營汛駐巡。又稱直隸私鹽多由南場賣出。官役分肥。嗣後必須究其買自何場。即將該場大小各官參處。又烏鎗歷奉嚴禁。但巡役數人。僅執棍棒。倘遇夥衆私販。持械拒捕。斷難捍禦。即商人運賣鹽價。亦須防護。不能一體禁用。應令鹽法道編號烙印。按名給執。該營汛官點驗。下部議行。

雍正五年。議準天津駐劄水師營官兵所食鹽餉。商人將就近灘場生鹽百包。運至該處。交與該同知。呈明都統。按名分給。以濟官兵食鹽。每包定價銀五錢。其鹽價銀兩。官兵

初到。令該同知於俸餉內。照數扣交鹽法道庫。至明歲官兵駐劄已定。令該御史照依天津附近軍民食鹽之例行。文該都統將官兵水手人等。查明戶口若干。應用鹽餉若干。造具清冊。飭令分司聽其自備鹽價買食。如有不肖兵丁。混雜灘場偷竊。以及串通商人。夾帶行私等弊。該御史即行查拏治罪。按今水師駐防已裁撤。

乾隆元年。總督李衛。鹽政三保會題。準天津青縣靜海滄州鹽山等十三州縣。近海地方。實在貧民。年六十以上。十五以下。少壯之有殘疾。婦女之老而孤獨者。各赴本地方官。



報名給牌日許往來灘竈買鹽四十觔皆負在本境無引鹽地方售買餬口其津城內外菜鹽名色永遠革除

乾隆元年總督李衛以巡獲私鹽等物俱應入官值嚴寒巡兵深夜往來非飽煖難以責其實力奉行檄令冬季以一半賞給原挈兵丁至三月天暖仍照定例遵行

乾隆四年議準巡鹽御史安寧奏請於嚴鎮場西南一帶荒窪小路梟販出沒地方自竇家莊至邊兒莊共十二村每處設灘役五名巡邏捍禦

乾隆九年覆準河南巡撫碩色議奏按察使王丕烈條奏河南省礮底小鹽請定禁例一案查豫省地內有礮土硝土鹽土之不同皆成土鹽大概產於旱天瘠地隨處俱有隱見無定乃天地自然之利應只許其自行食用不許公行煎販貨賣并取具地方官并無私販私煎印結送部查覈乾隆九年十一月巡鹽御史伊拉齊疏言灤州遷安樂亭豐潤寧河五州縣引地自設貧販以來奸徒收賣牌鹽私販充斥官引難銷况場竈遠近不齊遠者二三日始獲負鹽一次不敷往來食用設遇寒暑風雪雖欲負鹽勢所不能因而奸徒勾通於附近偏僻之處用賤價收買窩囤或藉

老少名目重複混買。或串猾竈盜私。茲據灤州知州等議。詳停止老少牌鹽。照閩省例。加倍折給錢文。按口日給大制錢二十四文。飭商捐交貯庫。每月朔散給。此外設有貧販之天津等八州縣。亦據商呈請。一例折給錢文。經部議。會同總督議行。其天津等八州縣內。除天津縣額引已附靜海代銷。城鄉村鎮向來俱食牌鹽。仍聽照舊辦理。

乾隆十二年。巡鹽御史伊拉齊奏定。盧龍撫寧昌黎三縣。老少貧販。照依灤州遷安等屬一例。停止負賣。飭各該縣查各老少名口。每日商人捐給大制錢二十四文。

乾隆十四年。巡鹽御史麗柱。以三四月。灘鹽正旺。巡獲私鹽等物。議均照半給賞。

乾隆十六年。運使盧見曾。以各營獲報鹽案。有鹽無犯者。十有八九。是非賄縱。即止圖獲鹽。邀賞不實力擒捕。詳請隨時制宜。另立章程。人鹽俱獲。照例分半賞給。其有鹽無犯者。無庸分賞。經巡鹽御史高斌批。此項賞賚。由來已久。一旦議停。恐致懈弛。若仍舊例。又漫無區別。復經議詳。獲鹽不獲犯者。以四分之一賞給。

乾隆十七年。覆準長蘆商雇巡役。飭令各該州縣詳察。實在

需役若干定為額數。老病者更換，病故者選補，不必分隸營汛。佐雜衙門統歸該州縣管束，以專責成。以資巡緝，不許給票專差，以致生事擾民。其商雇看守灘坵人役，歸各該場員就近管轄。

乾隆十七年議準天津靜海青滄鹽山五州縣因有牌鹽，遂至影射。應將見在牌鹽盡行裁汰，察定額數，取具鄰里甘結，加具印結，開造花名年貌清冊，送總督鹽政衙門存案。照灤州等州縣例，每名日給制錢二十四文。天津縣額引七百道，飭商照例行銷，以濟民食。

乾隆二十八年天津鎮報部派撥務關營額，外委一員守兵五名，寶坻營存城守兵五名，駐新河巡緝南海灘鹽，歸北塘汛額兵內。

乾隆三十四年巡鹽御史高城奏稱：州縣掣獲私鹽，例應交商變價。祇因例準減價售賣，是以州縣官不將私鹽交商。一任胥役領賣，侵漁中飽。應請概照本地官鹽價值，交商變賣入官。其牲畜價值，今昔不同。原議騾每頭價銀四兩五兩六兩，馬每匹價銀三兩四兩五兩，牛每隻價銀二兩三兩四兩，驢每頭價銀一兩二兩三兩。較今時價未免過

少應請每等酌加銀二兩至於車船等項務照新舊大小依時價據實報解統於年底分晰細數詳報查覈均下部議行至所稱牲畜車船等物運使勢難逐案親驗請令本管知府親驗及委派丞倅前往估計仍由知府通詳直隸州屬由州估報其自理之案詳明本道委員估計由本道通詳之處不特事近煩瑣於政體未協且恐州縣慮上司過往之煩或轉朦朧詳報希圖省事是抵換侵漁之弊未即盡除而捏改案情之弊恐由此啟殊非覈實之意應毋庸議

乾隆四十一年鹽犯擬徒向由外結奉刑部議定外省徒犯案件有關人命者均照軍流例解臬司審轉督撫專案咨部其尋常徒罪於批結後敘供按季報部不得自結經按察司運司會詳嗣後一切私鹽案件罪止枷杖者仍由按察司運司覆詳鹽政批結其鹽變銀兩仍歸本司鹽運司收報外其一切擬徒鹽犯歸按察司運司審勘詳督批結按季彙冊報部所獲私鹽變價銀兩亦照斬絞軍流例解歸藩庫收報摘敘案由造冊送鹽院題咨充餉

乾隆四十九年兵部覆準長蘆引商從前設立烏鎗護解鹽

課及撥給灘坵嚇禁賊匪在所必需非民間私鎗可比不  
必禁斷仍照舊編號註冊歲底報覈

乾隆四十九年總督劉綎奉

旨查禁武職緝私鹽規覆奏稱天津鎮向於運庫支領養廉銀二  
千六百兩已於議給武職養廉案內停支存貯運庫另行  
撥用又號禮銀二百二十四兩前任總兵祖尚德奏明歸  
公排造巡鹽快船二十二隻歲支修艙銀八十八兩解司  
充公銀一百一十二兩餘銀二十四兩為解司銀兩添平  
火耗之用又天津鎮標兵丁歲支巡鹽盤費銀一千六百

八十一兩零闕查盤費銀一百兩又祁口汛歲支巡鹽盤  
費銀一百四十二兩靜海營歲支巡鹽盤費銀一百一十  
五兩四黨口歲支巡鹽盤費銀一千三百兩均繫商眾願  
捐運庫支領經分晰造冊咨請留給并無重支需索等弊

長蘆鹽法志卷八  
場竈

洋洋乎海濱廣斥其利溥哉利溥而競端生矣鹽有場田之辨經界也鹽有竈田之資耒耜也經界不明易恣豪右耒耜不具坐廢三時迨至匿地無租有租無戶訟爭逋竈而後竊竊然議曰釐舊牒窘矣給牢盆瑣矣茲特著其戶籍之所隸與畦分歸并之原斯丁數額徵確然與賦課表中可有可互相發明者志場竈

順治十三年巡鹽御史王秉乾題查長蘆課賦每年止有引

課一十九萬一千二百二十兩四錢有奇。出諸商赴部上納。至於場竈。並無分毫課銀起解。隨行司道會查。據回稱各場向有邊布折價銀一萬餘兩。順治四年間。運司柯汝楨。因部劄行議。各場具有徵七免三之遵依。相沿至今。未曾派徵。今從新清理。通盤打算。各場辦納鹽一十八萬八百八引。除

貢鹽耗鹽。鹽磚鹽九十二萬三千八百三十八觔。折引四千一百零五引外。尚該支商鹽一十七萬六千七百七十四引。今引不邊中。鹽不酬商。每引科銀六分五釐。共一萬一千四百九十兩三錢二分。除

貢鹽幫包脚價耗鹽脚價。部運鹽磚脚價燒造工價銀四千九百三十六兩二錢五釐。請於十二年為始。於二十場竈丁地畝通融派徵。其十一年以前未徵銀共七萬餘兩。或應帶徵。合聽部議。部議酬商邊布一項。各竈仍應輸納。至十一年以前未徵銀兩。一年全徵。恐竈丁力不能支。應自十三年起。五年帶徵。每年徵銀一萬四千四百十九兩二錢五分一釐。以完積逋。

順治十五年。巡鹽御史馬騰陞奏言。竈戶在明季。有邊布一

項我

朝引不邊中。部頒經制。並無此項。十一年間。逃亡死絕。不知凡幾。臣巡歷所至。各竈哀告。非苦於追課。乃苦於無人可追。乞將倒追十一年以前之邊布銀兩。豁除。部議從之。詳奏

疏

順治十七年。題準。鹽場設立公垣。場官專司啟閉。凡竈戶煎鹽。俱令堆貯垣中。與商交易。如藏私室及垣外者。即以私鹽論。商人領引赴場。亦在垣中買築。場官驗明放行。倘有私販夾帶等弊。該場官役一併重處。

雍正三年六月。巡鹽御史莽鵠立疏稱。東運竈丁。自康熙十八年。將額丁刊刻由單。報部以來。四十餘年。未經編審。戶口消長。家產貧富。今昔不同。乃仍循舊額徵收。在丁多額少者。既不肯加增。而丁少額多者。又不能裁減。甚有逃亡戶絕。無處著追。以致額課虛懸。里甲賠累。官受參處。直省窮民。攤丁歸地。盡得均平。今欲為恤竈計。莫若編審為最。請飭令運司等。將各場縣所竈丁。挨戶清查。逐名編冊。原額丁銀。不分門則。止按見在人丁。均勻攤派。即將此丁數。遵照康熙五十二年



恩詔審丁不加賦之例。永為定額。嗣後五年一編。老者開除。壯者頂補。如有餘丁。註冊存查。仍將易知由單。按年送部科查核。并飭長蘆運司一體遵行。下部議行。

雍正三年。大理寺卿仍管理巡鹽御史莽鵠立疏言。長蘆竈地。因久未清查。圖冊無存。難以遵守。以致民竈爭控不已。請照民地之例。將竈戶灘地。或有從前售與民人者。無論典賣。均許其回贖。無力者。許見種之民。報明鹽法衙門註冊。認納錢糧。勿得隱匿。俟原業竈戶有力之日。再行回贖。如有失迷侵佔。一經查丈得實。斷歸竈業。嗣後不許私行。

典賣。如有侵佔。照欺隱錢糧律治罪。但竈地界連兩省。相應題明。交直隸督臣山東撫臣專委地方大員。督各州縣會同分司場官。凡民地竈地錯雜之處。細加丈量。將竈灘竈地另造魚鱗清冊。四至畝數佃戶姓名。開載圖籍。呈報督撫。并臣衙門分送部科查核。遇該州縣場員陞遷更換。務將冊籍遞相交代。永遠存案。下部議行。

雍正三年。大理寺卿仍管鹽政莽鵠立奏言。竈戶中有刁頑積習。倚恃貢監生員。包役抗糧。以完課為恥。以逋賦為能。積年拖欠甚多。場員莫可如何。倘催追一緊。即便指官告

役砌款捏證奔控督撫有司提審不由鹽法衙門場員官卑職微不敢與抗每至奏銷不敷代受處分而頑戶悍然不顧自知情虛則抗提抗審身恃衿監為護符目無場官生事唆訟此等刁風漸不可長經部議定竈戶內有倚恃貢監生員抗稅不完欠八分以上者俱革黜為民責四十板枷號兩月欠五分以至七分者俱革黜為民責四十板枷號一月欠四分以下者俱革黜為民責二十板所欠課銀仍嚴行追比其有包役不完者即行褫革責四十板枷號三個月有劣生指官告役教唆興訟者該督撫移會該

巡鹽東公提審如惡衿情罪果實照誣告唆訟之律治罪倘有屈抑亦即為申理至場官雖屬微員係專管場竈之人竈戶豈可自恃生監傲慢不遵約束此後如有刁惡之徒目無場官者場官申詳巡鹽該巡鹽察審得實即按律治罪或有不肖場官刻剝竈戶借申詳為恐嚇之端該鹽政即行題參從重議處

雍正九年富國等九場首出灘地草蕩竈地共一百七十九頃四十三畝二分零鹽鍋四十八面共應徵銀二百二十四兩七錢二分七釐零於九年起科

雍正十年。蘆臺濟民二場。首報新墾竈灘等地。六項四十四畝。五分二釐五毫。共應徵邊布灘價銀五兩三錢四釐零。於十年起科。

雍正十年。巡鹽御史鄂禮奏言。利民阜民。利國富民。海盈阜財。六場灘地久廢。從不前晒。各竈戶皆散處原籍。各州縣及山東樂陵海豐等縣。每逢徵催竈課。場官不能遍歷。數州縣遠涉隔省。勢必責之竈頭總催。而包攬派累。終至拖欠。場官每受參罰。竊思場官徵收竈課。原因竈戶在場晒鹽。就近徵收。今既棄灘改業。各歸原籍。其竈課仍責之場

官不能遙制。而州縣又以籍隸竈丁自有專管之員。不加約束。藏奸納垢。情勢必然。請將六場竈戶歸各州縣管轄。其竈課銀兩即歸州縣徵解。運司衙門歸款奏銷。其六場大使均應裁汰。以省冗員。下部議行。  
利民等六場竈課歸併滄州南皮鹽山慶雲青縣衡水海豐樂陵河間交河冀州寧津東光寧河十四州縣徵收其戶丁竈課竈地灘蕩頂畝各數具詳竈課表

雍正十一年。豐財場竈戶劉俊等首報新開灘地八項七十一畝。每畝徵銀六分一毫零。共應徵銀五十二兩四錢一分五釐九毫零。於十一年起科。

乾隆三年部覆濟民場竈戶李含有丙辰年首報新墾旱荒  
 竈地十八頃六十九畝八釐一毫每畝徵銀八釐七毫二  
 絲共應徵銀十六兩二錢九分八釐照例於丙寅年為始  
 徵收

乾隆四年豐財場竈戶蕭廷樞於乾隆二年開墾鹽灘二副  
 計地四十四畝每畝按則應徵銀六分一毫零共額徵銀  
 二兩六錢四分七釐八毫照依水田之例六年後起科  
 乾隆四年巡鹽御史官達題準興國富國嚴鎮海豐滄州南  
 皮寧津交河東光樂陵等州縣場失迷無著竈地糧銀九

十八兩二錢二分三釐有奇豐財場奉圈冲沒無著竈地  
 糧銀一十一兩一錢八釐有奇長蘆并無民佃款項難與  
 山東一例議攤自乾隆三年為始概予豁免俾眾竈免包  
 賠之累

詳奏疏

乾隆六年濟民場竈戶趙文煥等於乾隆四年陸續新墾旱  
 荒竈地一十一頃四十八畝六分零每畝徵銀八釐七毫  
 二絲共應徵銀一十兩一分六釐五毫零照例十年起科  
 乾隆六年越支場竈戶韓崙等首報於乾隆二年在黑羊河  
 新墾鹽灘五副計地四十畝每畝徵銀六分六毫零共應

徵銀二兩四錢二分四釐九毫零。照水田例六年後起科。乾隆六年石碑場竈戶孫發才等稟稱川連溝地方灤河下梢一片水澤之中新淤地一塊內長蒿草丈量計地二頃四十畝正乏薪柴之際乞斷給身等公同打草煎鹽經今一載情願照例陞科每畝徵銀六釐共應徵銀一兩四錢四分於乾隆六年起科。

乾隆八年豐財場竈戶李如龍等呈報開灘二副計八十畝每畝應徵銀六分有奇請照水田之例於戊辰年入額徵收。

乾隆八年石碑場陽蘭堡竈戶王會來等稟認灤河新淤一塊計一頃六十五畝打草煎鹽照依草蕩地每畝徵銀六釐於甲子年起科。

乾隆十一年石碑場竈戶王含珍等首報灤水東徙河身淤出地二十八頃十八畝照草蕩地每畝徵銀六釐於丁卯年起科。

乾隆二十四年海豐縣裁場竈地及海豐場坐落山東海豐樂陵二縣竈地因潮淹蕪廢不能墾種者二百七十七頃六十八畝九分勘題準豁額徵銀三百五兩九分九釐有

奇。遇閏加徵銀四兩七分有奇。

乾隆二十九年。歸化場竈戶李應科。呈報臨榆縣屬李家莊地方。向有官荒竈地一塊。於乾隆十五年間。盡力開墾。至今成熟。計地五畝一分。每畝徵銀三釐九毫六絲有奇。即以自首之年陞科。

乾隆三十年。豐財場竈戶田得瀨。呈報新墾灘地一項一十畝。每畝徵銀六分。於辛卯年起科。

乾隆三十一年。石碑場竈戶李如柏等。首報鹹鹺蕩地。近生蘆葦。堪取煎鹽。計地一十二頃六十九畝。照草蕩地。每畝

徵銀六釐。於本年起科。

乾隆三十一年。豐財場竈戶許應時。呈報新墾灘地十七畝。每畝徵銀六分有奇。於壬辰年起科。

乾隆五十三年。石碑場竈戶張天理。首報從前鹹鹺不毛之地。近被淡水浸透。漸長青草。計地二十三頃七十二畝。勘明題準。照草蕩地例。每畝徵銀六釐。共銀一十四兩二錢三分二釐。於乾隆五十三年起科。

嘉慶元年。石碑場竈戶朱成章。首報從前鹹鹺不毛之地。近被淡水浸透。漸長青苗。計地十二頃十九畝。每畝徵銀八

釐七毫二絲共徵銀十兩六錢三分又竈戶劉文炳首報新淤草蕩計地三頃七十三畝每畝徵銀六釐共徵銀二兩二錢三分八釐勘明題準均於本年起科

嘉慶五年石碑場竈戶尹亮首報新淤草蕩計地二百二十四頃三十九畝每畝徵銀六釐共徵銀一百三十四兩六錢三分四釐勘明題準即於本年起科

嘉慶六年石碑場竈戶張玉興首報新淤竈地漸長禾草可施耕種計地十頃四十八畝每畝徵銀八釐七毫二絲共徵銀九兩一錢三分九釐勘明題準即於本年起科

十場疆域戶口

丁地灘鍋之賦皆詳竈課表

興國場初在鹹水沽後移高家莊今駐天津西南接富國場南入滄州境接嚴鎮東北增併厚財場地接豐財延廣五百里戶籍隸寶坻武清天津靜海滄州青縣鹽山南皮及山東樂陵原額竈丁六百二十九丁八十三戶厚財場原額竈丁三百十六丁三十戶二場共男婦大小一萬五千九十五口坨二廢堡六鑊十二

富國場初在鹹水沽後移天津東至寧河之北塘接興國西南過大頭港至子牙鎮入靜海界南界山東樂陵北濱漕

河至天津之下園延亘百六十里。戶籍隸寶坻武清天津靜海寧津滄州青縣慶雲南皮及山東樂陵原額竈丁八百九十九丁一百六十八戶。共男婦大小八千六百六十口。坨一廢。鑊十六。舊志云灘蕩久已迷失無迹可考。

豐財場在葛沽距運司分司七十里。明隆慶三年增併三义沽場東北沿海南連滄州接嚴鎮迤西連興國富國北抵軍糧城入寶坻境接蘆臺延廣四百餘里。戶籍隸靜海青縣滄州鹽山寧河天津薊州武清寶坻及山東樂陵原額竈丁九百四十七丁一百四十戶。共男婦大小二萬六千

六百五十七口。坨二廢。堡三。灘蕩沿海。

蘆臺場在寧河縣蘆臺鎮。舊屬寶坻雍正八年改設寧河始分隸焉。即唐蘆臺軍。

遼新倉鎮距運司分司百四十里。南界海北連寶坻東至斗沽接越支西逾夾河延廣百二十里。戶籍隸寶坻寧河原額竈丁三百九十三丁一百一十九戶。共男婦大小四千六百七十八口。

越支場在豐潤縣宋家營青州分司舊駐之地。今改設薊永分司。距運司二百八十里。南濱海別渚名建河東接濟民踰沙河西北至斗沽接蘆臺廣袤二百四十里。戶籍在豐



潤灤州遵化玉田原額竈丁一千一百三十丁三百九十  
三戶共男婦大小一萬四千七百七十一口坨五廢堡四  
灘蕩沿海

濟民場在灤州柏各莊距運司三百一十里距薊永分司七  
十餘里南界海東極潮河接石碑北至笨城入灤州境西  
逾運河連越支延亘百三十五里戶籍隸灤州豐潤玉田  
樂亭遷安遵化熱河等處原額竈丁六百四十五丁三十  
八戶共男婦大小八千三百二十五口坨三廢堡三  
石碑場舊在樂亭縣石碑鎮今移閭各莊距運司三百六十

餘里距薊永分司一百三十里南臨海北踰南河入永平  
境東連石閣接歸化西抵劉家河即潮河接濟民延廣百七  
十里戶籍在樂亭昌黎原額竈丁一千六百五十丁八十  
戶共男婦大小二萬一百四十一口坨三廢堡五灘蕩在  
場之南

歸化場在撫寧鹽務鎮距運司七百餘里距薊永分司四百  
二十里南臨海中秦王島舊志稱蒲洪曾駐兵於此北接撫寧境至龍

王廟東抵山海關界西增併惠民場地入昌黎境接石碑  
延亘四百餘里戶籍在撫寧昌黎原額竈丁五百五十二

丁一百五十四戶。惠民場原額竈丁四百十三丁。四十二戶。二場共男婦大小一萬四千五百六十二口。坨六廢。堡六灘。倚山麓。蕩久荒廢。

嚴鎮場舊屬北司。隆慶三年裁併南場。三北場一所。司不均。遂將嚴鎮改隸滄州分司。場在滄州同居鎮。距運司百二十里。分司九十里。東近海。西界唐官屯。南抵利國。北連興國。富國。廣百二十里。戶籍在玉田。武清。寶坻。豐潤。滄州。南皮。鹽山。寧津。交河。青縣。靜海。東光。十二州縣。原額竈丁五百十二丁。一百八十六戶。共男婦大小六千九百一十八

口。坨二。鑊二十。有四灘。處場東北七十餘里。

海豐場在鹽山羊兒莊。距運司三百六十里。滄州分司一百

二十里。東濱海。南連深州。海盈舊場。西北過益窪。至武帝

臺。舊志云。漢元狩元年。武帝幸泰山。臨渤海。望祀蓬萊處。唐貞觀十九年。太宗征高麗。班師紀功勒石。今猶存云。

戶籍隸滄州。鹽山。青縣。慶雲。興濟。及山東樂陵。海豐原額

竈丁三百六丁。八十二戶。歸併海盈場。原額竈丁七百七

十八丁。於乾隆五十六年。撥出四十二丁。歸六十六戶。二

場共男婦大小一萬五千六百八十八口。坨一。鑊十二。南

北各六。海盈舊場所歸併之灘蕩久廢。

附裁併六場歸併十四州縣戶口

滄州境內歸併利民阜民阜財富民利國五場共原額竈丁

五百二十三丁五百五十三戶男婦大小五千三百三十

六口利民場竈丁三百五十七丁半於乾隆五十六年撥

場淨止三百五十四丁半三百六十五戶男婦大小三千七百二十八

口阜民場竈丁九十二丁半一百二戶男婦大小四百八

十五口阜財場竈丁二十七丁半三十二戶男婦大小三

百八十六口富民場竈丁八丁半十一戶男婦大小二百

七十五口利國場竈丁三十七丁四十三戶男婦大小四

百六十二口

南皮縣境內歸併利民阜民阜財海盈四場共原額竈丁一

百五十丁一百六十戶男婦大小三千八十五口利民場

竈丁五十六丁半七十一戶男婦大小一千三百二十五

口阜民場竈丁七十七丁半七十六戶男婦大小一千二

百一十七口阜財場竈丁六丁三戶男婦大小二百一十

五口海盈場竈丁十丁十戶男婦大小三百二十八口

鹽山縣境內歸併利國利民阜財海潤海盈富民阜民等七

場共原額竈丁一千五百四十七丁一千五百三十二戶

男婦大小一萬三千四百二十七口。利民場竈丁四百八十六丁。四百八十六戶。男婦大小三千七百一十一口。利民場竈丁十八丁。十八戶。男婦大小二百七十七口。阜財場竈丁二百十八丁。二百十八戶。男婦大小二千二十六口。海潤場竈丁七十四丁半。七十五戶。男婦大小七百三十七口。海盈場竈丁六十九丁。六十九戶。男婦大小九百三十口。富民場竈丁三百二十五丁半。於乾隆五十六年撥歸山東永利場三十五丁半。淨三百一十戶。男婦大小二千六百六十五口。阜財場竈丁三百五十六丁。三百五十六戶。男婦大小三千

千八十一口

慶雲縣境內歸併富民阜財海潤三場共原額竈丁二百八十六丁。二百八十七戶。男婦大小三千八百二十八口。富民場竈丁二百一丁。二百一戶。男婦大小二千二百二十五口。阜財場竈丁四十五丁半。四十六戶。男婦大小一千六十九口。海潤場竈丁三十九丁半。四十戶。男婦大小五百三十四口。

青縣境內歸併利民海盈阜財三場共原額竈丁十五丁半。三十一戶。男婦大小五百六十五口。利民場竈丁十二丁

半二十二戶男婦大小二百七十八口海盈場竈丁一丁三戶男婦大小一百二十五口阜財場竈丁二丁六戶男婦大小一百六十二口

寧河縣境內歸併利國場原額竈丁三丁一戶男婦大小四十二口

河間縣境內歸併利民場原額竈丁一丁一戶男婦大小七口

交河縣境內歸併利民阜民二場共原額竈丁四十三丁半四十四戶男婦大小二千四百五十一口利民場竈丁十

九丁半二十戶男婦大小一千一百一口阜民場竈丁二十四丁二十四戶男婦大小一千三百五十口

寧津縣境內歸併阜民阜財海潤三場共原額竈丁二十六丁半八戶男婦大小四百五十六口阜民場竈丁二十四丁半六戶男婦大小三百五十五口阜財場竈丁一丁一戶男婦大小十六口海潤場竈丁一丁一戶男婦大小八十五口

東光縣境內歸併利民富民阜財三場共原額竈丁二十八丁半二十九戶男婦大小八百八十五口利民場竈丁九

丁九戶男婦大小二百五十四口富民場竈丁十一丁半十二戶男婦大小二百九十四口阜財場竈丁八丁八戶男婦大小三百三十七口

冀州境內歸併海盈場原額竈丁九丁三戶男婦大小一百四十一口

衡水縣境內歸併海盈場原額竈丁六百一十三丁七百一十三戶男婦大小七千一百一十二口

山東海豐縣境內歸併海潤富民阜財海盈四場共原額竈丁五百零半丁一百六十二戶男婦大小二千二百三十

三口海潤場竈丁四百七十二丁一百四十九戶男婦大小一千九百七口富民場竈丁十九丁半五戶男婦大小一百四十八口阜財場竈丁六丁五戶男婦大小九十七口海盈場竈丁三丁三戶男婦大小八十一口

山東樂陵縣境內歸併利民富民阜民阜財海潤五場共原額竈丁八十一丁半八十戶男婦大小一千四十八口利民場竈丁十二丁十二戶男婦大小一百三十口富民場竈丁二丁二戶男婦大小三十二口阜民場竈丁二十九丁二十九戶男婦大小二百七十六口阜財場竈丁二十九

丁二十九戶。男婦大小三百七十七口。海潤場竈丁十八  
丁。十八戶。男婦大小二百三十三口。



